

裴文達公詩集

裴文達公詩集

古今體詩目錄

卷一

古今體詩七十九首

卷二

古今體詩一百二首

卷三

古今體詩六十二首

卷四

古今體詩五十四首

卷五

古今體詩四十四首

卷六

古今體詩五十四首

卷七

古今體詩五十七首

卷八

古今體詩八十首

卷九

古今體詩四十八首

卷十

古今體詩二十五首

卷十一

古今體詩二十六首

卷十二

古今體詩二十九首

裴文達公詩集卷之一

畫竹

東風料峭暮春寒  
捉筆橫斜強自寬  
二十四番花信後  
寫摹千个碧琅玕

臨川道中

朝霞如綺弄新晴  
鹿鹿車輪更曉行  
芳草綠勻深淺色  
亂山青記往來程  
花繁偏入愁人眼  
柳弱能牽過客情  
何處隔林聞杜宇  
不如歸去一聲聲

過峽江縣

孤舟來去此栖栖  
野鳥逢迎盡意啼  
兩岸人家浮水面

四圍城郭擁山躋深巖雨過濤聲合古木風多日影低  
回首西峰一惆悵隔雲遙指未全迷

野泊

遊子倦行役停舟江上村按行隨草色跌坐就松根野  
寺多臨水空山獨閉門恍然塵境外別有道心存

抵雩都寄家兄盛脩

欲歸猶未得遠夢復何如相憶青山下松陰覆做廬我  
來千里外初寄一緘書昨日虔州發長江淦淦虛

村居

幽棲疑是武陵源一帶江村絕世喧松樹綠陰低蔭屋

桃花丹障秀當門  
晚霞欲放占新霽  
秋漲初平驗舊痕  
獨坐身閒處  
著得逢田父  
語黃昏

登列岫亭晚眺

偶乘秋色一憑闌  
古寺僧稀未掩關  
舟子落帆斜日靜  
漁人收釣暮江閒  
繞簷烏宿深深樹  
隔岸雲流漠漠山  
清景有人收拾得  
故應畱句到屏間

秋屏閣二首

秋屏遺蹟枕龍沙  
滿地苔痕一徑賒  
老樹綠遮深院閉  
夕陽紅繚短垣斜  
斷碑無句吟芳草  
野鳥多情惜落花  
爲問舊遊何處去  
令人搔首向天涯

昔賢曾此獨登樓  
往事偏供弔古愁  
人世蒼茫悲代謝  
古今詞賦幾傳留  
雲來極浦迷歸雁  
日下寒流點素鷗  
還指檻前山色在  
畫屏千疊未全收

送歐陽蔭亭歸安福

不謂行當去蕭然  
乍別時大江秋色迴  
虛閣晝陰移  
聚散如殘局  
心情似亂絲  
一尊君且住  
惆悵欲何之

送蔡天錫歸梅川

入秋纔幾日  
動與故人違  
江上一尊酒  
西風生客衣  
蕭蕭葉落點點雁  
聲微此去虔州路  
千山滿夕暉

春陰有懷劄右

小窗青草色老屋碧苔痕一雨動經月三春長閉門晝  
閒虛白日天暗易黃昏獨抱遺編在相期共討論

南昌道中

聊命巾車出騷騷一徑賒平橋圍野色深樹隱人家山  
氣鬱微雨溪聲喧落花東風還借問何處酒旗斜

奉贈南昌前輩鍾太占先生

衣冠淳樸古風存再拜欣承笑語溫南牖課兒書在手  
西堂畱客酒盈樽春歸老圃蔬生甲雨入空庭竹有孫  
他日記尋高隱處小橋流水認江村

春日偶成

四壁蕭蕭畫掩扉紙窗棐几靜相依閒因愛客拋書久  
嬾獨妨詩得句稀蕉葉硯紋青作骨瓜皮鑪色碧爲衣  
從容一覺東風夢時有尋巢燕子飛

遊百花洲

湖上輕風斂早霞湖邊芳樹思無涯迴環水感羅紋細  
周折橋連雁齒斜柳線綠飄行子蓋荷衣紅點釣人槎  
梁園詞客今焉是廢碣題名蝕蘚花

十一月二十六日長新店曉發口號

曙鼓鼕鼕報曉晴僕夫整駕促初程道旁來客閒相問  
爲報前途自在行

風恬日皎曉寒輕  
豐歲家家樂太平  
我向吟鞍計來路  
郵籤排日總分明

登道邊古閣

平生踪跡滿烟巒  
石壁題名半未殘  
陳迹樽前縈短夢  
舊遊馬上續清歡  
藏雲寺古披榛入  
矗面峰奇擁袖看  
今日客途增跌宕  
又來高閣拍闌干

雜憶詩二十首卻寄

酷愛周髀五字詩  
古文疎散亦能奇  
世人但識臨池法  
蠟本傳觀溫氏碑

周西肇

凍硯吟哦日不停  
長身玉立好儀形  
慧根更似白鸚鵡

身之...  
誦得觀音般若經

金質夫

舍人幾載侍明光  
朝罷歸含雞舌香  
臘盡春回歌吹動  
選聲先唱賀新郎

陳育仲

臨歧分手意躊躇  
千萬教儂訪玉姝  
誰信高唐神女賦  
雨雲踪跡屬虛無

袁子才

有句憐余太瘦生  
一樽寒夜不勝情  
寧知破曉披衣起  
正聳吟肩踏雪行

徐亮采

昨日分攜實惘然  
不能送我出門前  
憐渠臥病晴窗裏

藥裏茶鐺相伴眠

程巨山

風流老子亦吾曹  
醉墨淋漓落紙豪  
誦到江聲山色句

天風蕭槭起松濤

徐東田

咸陽公子神仙徒  
雙眸如水飄長須  
臨風咳嗽儼鶴唳

翩翩矯矯翔清都

秦柱川

陶公貌不逾中人  
曾有奇氣交縱橫  
庭空天地來真色

一語能令詩伯驚

陶序東

去年早識陳驚座  
鶴骨稜稜病不勝  
料得揮毫消永夜

倚鑑呵解硯蟾冰

陳紫山

莊君退直

南書房鍵戶誦詩聲  
琅琅平時一滴不入口  
昨日忽然

游醉鄉

莊滋圃

與我周旋寧作我獨宜之子數經過我曹不可無此友  
往往直言相切磋

涂京伯

濡首深杯酒不辭自將檀板教紅兒昨聞樂府翻新調  
唱爾黃河遠上詞

陸賓之

新得嬌兒是裘師香襦繡襖護深閨阿翁退食寒宵永  
珍重鐙前視笑啼

吳鎮公

廣堂側榭曲相通圖史丹鉛耀眼紅坐擁百城君莫怪

前身合拜管城公

管水初

玉局散仙名坐隱葉公嗜好我深知吟餘畫省清多暇

半晌沉思算劫碁

葉泊齋

凍筆重呵爲寫生醉中高咏兩髯行于思信有徐君美

仍謂

東田長鬣公宜獨擅名

葉書山

吟章草草墨闌珊諒我山城甫解鞍閨苑清宵蓮炬曉  
懷人應念外邊寒

如雲冠蓋列鴛鸞落落心期訂古歡小別情懷亦惆悵  
封緘好去報平安

儻值賓筵酒未闌開函一一盡傳觀滑稽聊用詩爲戲  
莫作羣公像贊看

過趙北口

岸柳凍將圻河漸凝不流郊原氣慘慘沙磧聲颼颼慄

慨四方志蕭騷萬古愁長堤堪駐馬來問酒家樓

雪夜作苦寒行

窮陰霏霏雲帖帖雪意衰時風借力朔風怒發雪更狂  
入袖穿襟橫相逼平生意氣此最豪不爲寒飈愁遠涉  
青騾疾足輕四蹄微茫大道如繩直

馬上行

北際南垂望未窮自來消滅幾英雄論交不棄鼓刀者  
相士每於彈鋏中哀角入雲愁落日明沙如雪起寒風  
可憐慷慨悲歌地今古遙遙此意同

夜宿平原縣

街鼓聲沉畫角喧，衝寒來過古平原。  
千秋未歇英雄恨，一日能消客子魂。  
故壘寂寥埋蔓草，殘碑零亂剝苔痕。  
蒼茫對此煩憂集，痛飲寧辭市酒渾。

濟南留別魏愼齋方伯

大國風洋洋，豐年雪浩浩。  
嚴冬策騎東海來，九陌黃塵淨如掃。  
堂堂藩府盛輝光，洞開重門容逕造。  
兩佳公子夙所諧，一笑持觥共傾倒。  
堂上起居方伯公，當軒意氣凌蒼昊。  
音容忽憶廿載前，及見先朝舊元老。

謂宗伯公維時

隨宦留京師，年甫成童髮未燥。  
豈期冠蓋渺烟雲，復此風塵通紵縞。  
丈人古誼紛笑言，賤子離情耿懷抱。  
三千

歸路問前途竟日清樽忘遠道登階拜別誠恩忽卽席  
題詩亦草草明晨廻望懷我公岱嶽瞳矐日初杲

黃庄和答魏懋堂見寄之作

懷人新舊雨惜別短長亭爲記難忘處連峰不斷青

十二月十一日夜半登泰山絕頂歸憩廻馬嶺題

寺壁

塵海茫茫吁可哀通天一線石門開曾聞登此小天下  
今日果然親到來

星斗離離碧漢流長風天外起颼颼手捫一片蒼寒石  
我欲題名紀快游

旅宿得二絕句

下馬郵亭鍊句成  
兔毫鴝眼伴行程  
奚奴更事知人意  
位置明窗一榻橫

來鴻去燕領秋春  
歲歲天涯作客頻  
驛使漫勞前致問  
東西南北苦吟身

唧唧復唧唧

渡河作

唧唧重唧唧  
曉渡黃河側  
憂思從中來  
我有平生憶  
先子官銓曹  
生我自京國  
甫脫襁褓時  
提攜屢南北  
時惟耽嬉遨  
不省愁跋涉  
但記揚高舲  
侵晨此飛越  
再侍趨帝廷  
刑垣職言責  
親年未至衰  
春秋五十七  
狂飈殺百

夏文選公詩集  
卉高木亦摧折我剛及十齡孤兒一身子母時親抱持  
相向但啼血撫兒止兒號母心更淒惻遙遙旅櫬歸道  
路五千隔湯湯河流聲一路助悲咽迄今二十年辛勤  
事非一兒幸及長成婚宦計粗畢維此二十年幾日常  
侍膝河邊草離離慣見青袍色前辱

廷臣知鴻辭徵赴

闕黃塵六月中疲馬茲蹠蹠報罷我歸來徘徊理舟楫  
逾年因計偕又復經都邑爲憶風雪中待渡南頭驛倏  
忽越三春一官繫行轍西山飛白雲下有吾親宅道遠  
定省疎家貧供膳缺春暉爾許長寸草何由答恭惟

皇帝恩錫類永無極特許寧親歸上堂慰白髮重尋萊  
子衣還捧毛生檄山記向日程水減前渡跡平生數經  
過撫今益念昔臨風一長謠茫茫百端集畱待他日觀  
書之旅店壁

寄送張鷟洲侍御巡視臺灣

龍節新持拜

主恩繡衣氣色內臺尊前旌路出無諸國一線青山認  
廈門

鯨人分島列西東王化于今絕徼通海不揚波鼉背穩  
中流高掛滿帆風

入朝封事早知名嶽嶽臺端有駿聲  
萬里經行專倚任  
阜囊還達遠人情

負山臨海開雄鎮破浪乘風瀉壯懷  
常笑班生漫投筆  
拄天勳業本吾儕

至揚州二絕句

魯酒齊竽意寂寥東來馬首客程遙  
廣陵十幅蒲颿落  
春色都歸廿四橋

玉鉤斜外日初曛瓜步微茫隔暮雲  
落拓江南行載酒  
人問寧獨杜司勳

除夕

前年旅邸逢除夕公車晚宿楓香驛山村茆店孤燈紅  
道上雪深逾一尺去年除夕官京師姓字初矜挂朝籍  
中宵待漏趨

彤墀大風揚塵喧紫陌堂堂日月兩跳丸扁舟又作江  
南客自憐薄宦困行役良辰歲歲繁憂集二三僮僕慰  
寂寥爲市春盤進肴核洞庭霜橘擘冰漿廣陵春酒傾  
瓊液一樽自酌還自斟兀坐無歡情脈脈鄉思翻從醉  
裏來羈愁難向杯中釋古人一日養不以三公易而我  
獨何爲動輒千山隔似聞靈萱花漸老顏非昔引領望  
南雲奮欲生兩翮稽首天公禱風伯十日輕颺送歸舶

到家猶及鐙宵前家慶團圓重開席

辛酉元旦

上帝幹鴻運義轡無停鑣寒暄一以易昨暮非今朝元  
辰肇令節建寅廻斗杓海宇春來歸烟景紛招邀和風  
自南國麗日臨東郊作態梅婀娜含情柳妖嬈動植欣  
得所鳥鳴呼其曹繫余方旅泊去住移輕橈頻年泛蓬  
梗故鄉隔洪濤爲感節物新益念形神勞流光何在苒  
去日隨風飄吾生倏三十旣壯年非韶三分百歲內其  
一逝莫招平時汲汲志寸陰重瓊瑤如何墮悠悠坐使  
朱顏凋古來幾賢聖簡冊留名高今人復何如思之心

鬱陶撫時良自惜得句空爾豪當春忌感慨且飲杯中  
醪莫貽世俗嗤多言笑曉曉

過柴桑述懷

笑指青山歛歛歸夢魂長繞白雲飛宦情適過陶公宅  
樂事重尋萊子衣貧戀一官支鶴料閒宜十畝占漁磯  
本來出處都無繫廊廟江湖誰是非

晚泊瓜州作

柔櫓聲和歇暮潮蒜山瓜步兩蕭蕭黏天孤岫一痕黛  
飲水斷虹千尺綃愁覺酒杯終得力悶憑詩卷慰無聊  
東風漸放春蕪綠野色蒼涼極目遙

舟出江口

秣陵城闕渺茫間尚阻行程十日還紅旭播掀初出海  
白波飛舞欲排山冲霄霜鶻精神健狎水沙鷗意態閒  
去住兩忘歸且未客心無那滿江關

有懷故鄉同學諸子

南國多香草西風吹暮烟美人矜絕豔志士感流年脈  
脈春心遠悠悠別緒牽舊時觴咏地明月只孤圓

百花洲畔寺曾此共棲遲

余向與謝雅堂  
鍾秀昇讀書處

夜雨移書幌

秋陰理釣絲酒酣調謝客琴苦問鍾期別後都無恙勞  
勞政爾思

剝欲論心劇其如會面疎詩篇還寄我雲樹渺愁予歐

冶頻看劍

歐蔭堂

劉蕢數上書

劉少亭

山中歸臥穩眠食近

何如

長此離憂積何因笑口開青衿淹歲月黃卷困塵埃磨

礪逢時具淒涼作賦才湘潭采芳客遲暮且歸來

時徐勳右

楚定

鍾子真吾友恆齋足我師切磋斯道在攻苦此心知白

雪空高調青山有後期江東吟望處春色悵淒其

今夕是何夕懷人夢不成故歡千里隔遠道一舟橫莫

恨睽良晤相期保令名當時舊同學抱負各崢嶸

春色

內河新水響涓涓漸看垂楊裊綠烟梅未放殘桃又綻  
向南春色倍爭先

又口占一首

東風夾道起高樓十里珠簾上玉鉤人面花光相映處  
酒旗揚出樹梢頭

夜渡采石醉中戲作短歌

揚帆深夜凌飛潮酒酣垂袖風騷騷醉中脫卻頭上幘  
長歌忽憶騎鯨客謫仙一去近千載明月青天至今在  
石頭城下聞棹謳金陵城西孫楚樓烏紗紫綺矜風流

意氣不與凡人倚眼底紛紛多敗意安得載酒從公遊

觀燈詞 荻港作

神祠枕江濱居人列鬪鬪佳節臨上元清時多樂事玲瓏照千鐙連駢陳百戲渡水揚錦標升壇分赤幟濫奏北里竽競進偃師技所見種種殊善幻駭衆視或尊如長官或威如將帥或莊如菩薩或醜如鬼魅或爲戰鬥形刀戟森可畏或爲歌舞粧低徊逞姿媚或爲原上游士子紛隊隊或爲田間樓壺漿雜童穉水行爲樓船陸走爲車騎或洞爲城圍或聚爲市肆形摹極生成刻畫均動植俗尙誇新奇雜沓難悉誌餘巧猶可人翦綵鬪

精緻游行駕海龍馳驟凌風驥魚蝦鼓長鬢禽鳥扇弱  
翅蓮枝含輕紅柳條拖暗翠吹嘘間百花點染呈四季  
低者婉欲垂高者斜不墜亭亭各成行熠熠儼相對游  
觀盡忘疲異態非一類緣流樹旌幢達旦喧歌吹寧惜  
費不貲云是豐登瑞

大風揚颿半日行二百餘里

白波拍船三尺高日光淡薄風怒號古岸頽沙那容纜  
亂山崩石難受篙江豚吹浪影動搖舟人袖手寂不語  
電掣雷轟去偏疾帆脚駕空如鳥翼誰知快意正此時  
若使旁觀應動色

舟中卽景偶成

漠漠空江澤國遙數峰孤翠壓波濤縱橫飛雨浪花急  
散漫亂雲風力豪閱世經綸慚宦薄閉門鐘磬羨僧高  
匡廬咫尺不能到客意寂寥塵夢勞

舟泊三洲抵家有日矣雨窗鐙下得六絕句

一臥芸窗旅夢長洪都重溯水雲鄉去時面目來無異  
羸得鬚眉近老蒼

京洛紅塵歲月侵江鄉風景渺難尋故人一笑相逢處  
風雨篷窗夜話深

尊酒多情蠟炬紅客心歸興兩怱怱奈他鎮夜廉纖雨

倦枕無眠待曉風

家山漸近覺行遲此際偏能攪夢思  
舊日交親知念我待傾春釀已多時

佳話流傳羨板輿歸舟江上意何如  
尋思自覺

君恩重白髮慈親久倚闕

芳草郵亭句裏傳日研清露拂吟箋  
更無餘物充歸橐一卷詩成手自編

裴文達公詩集之一終

裴文達公詩集卷之二

清明卽景

春光卻向此中嘉樹上紅連陌上霞  
國號衆香呈旖旎山如羣玉鬪清華  
鴨頭水泛仙舟過雁齒橋依別院斜  
新火頒來烟不禁東風吹到野人家

和梁惠亭師歸太和畱別原韻

高步詞壇七尺身雞林名字遠人珍  
一麾赤縣栽花客三載

彤墀珥筆人

師以翰林出  
爲文水令

上舍偶來開講席末流何幸

託通津門前桃李欣欣發長沐東風雨露春

廿年文苑早騰身，千軸琳琅素所珍。  
拂袖偶成招隱賦，銜杯原是謫仙人。  
瑤池有約遵前路，塵海無心納要津。  
幾輩後賢能學步，曲高從古歎陽春。

見說逃名未遂身，文章餘事世偏珍。  
燕雲楚雨畱佳夢，綠水青山作主人。  
秋月一輪懸海嶠，曉風孤棹下江津。

年來師弟綢繆誼，記賦名園十月春。

去歲十月牡丹盛開有詩紀事

紅埃潦倒十年身，哲匠親逢許席珍。  
一日龍門欣得地，三秋蟾窟敢先人。  
蓬山鼇負輕投釣，銀漢槎浮遠問津。  
記取桂香時節好，廣寒還接上林春。

秀埠八景爲豐城楊廣升前輩作

古岡書屋

迢遞平江一抹橫茅齋中有讀書聲  
皤皤白髮支頤坐猶見當年舊典型

三嶺晴雲

壺面三峰翠欲連曉來螺髻想娟娟  
丹青細繪雲中景日照分明五色鮮

龔城古廟

屈曲朱闌與畫除巍然古廟俯城隅  
迎神簫鼓喧春社恍覩朱陳士女圖

上方曉鐘

上方岑寂白雲封擾擾浮生睡正濃忽地自驚塵夢裏  
喚人醒處一聲鐘

黃井朝霞

破曉朱霞一帶長徜徉多在水雲鄉居人慣識丹砂顆  
侈說新泉灑灑香

仙山夜月

月光如水影初流一派金波瀉素秋應是綵鸞人去後  
洞簫聲隱繞瓊樓

秀水漁歌

弄水浮舸箇箇輕竹枝齊拍一聲聲臨流我識漁家樂

兩岸蘆花秋月明

南山屏嶂

峴岫迴環列檻前  
誰家結屋亂雲邊  
采芝驚遇商山叟  
卻誤旁人喚作仙

送余廊友人入都

尊酒離亭欲破愁  
岸花隄柳共夷猶  
三春烟景資高詠  
千里雲山紀壯遊  
南國衣冠餘慷慨  
西園詞賦想風流  
片帆不盡迢迢影  
綠翦江波送去舟

卽事賦贈劉應芬

舉手相看幾少年  
劉郎才調故翩翩  
牆花拂面頻欹帽

樹鳥窺人數指鞭綺席酒盃金鑿落旗亭歌扇玉嬋娟  
春遊見說風流甚好句爭傳五色箋

訪劉應芬慶雲菴次勳右韻

訪君來曲逕蕭寺叩重門簾影飄香篆牆陰澆屐痕臥  
遊開畫卷心賞付琴尊珍重斜陽意幽懷欲細論

有懷家姪台衡

憶汝天涯客憂來欲白頭鶯花三月夢風雨一春愁往  
事頻看鏡浮生獨倚樓暮雲千萬里何處識歸舟

台衡  
時客

南  
濱

送方栗齋司馬江州之行

水繞山環數問程  
扁舟微雨往來輕  
湖隄柳色逢青眼  
驛路花陰擁畫旌  
塵滿印牀知政簡  
夢迴筇枕喜詩成  
潯陽自古流連地  
莫爲琵琶感宦情

次韻畱別應芬

回首東風入夢遲  
落花飛絮楚江湄  
鴨頭水碧尋前渡  
鵬背雲青憶夙期  
別緒自縈兼中酒  
春愁難遣更吟詩  
征帆未忍恁恁發  
小疊蠻牋寄所思

秋懷同人分賦拈得上平聲六首下平聲三首

秋色遙憐隔翠微  
亭亭孤日漏寒暉  
書傳極塞雙魚至  
目送天涯一燕歸  
愁緒欲紛南岸草  
幽芳行採北山薇

斗牛高處誰相犯，欲把詩情寄錦機。

竄跡空山歎索居，梅香紙帳夢蘧蘧。  
碎琴有意誰知我，按劍無情莫笑渠。  
一飯加餐菽米後，三杯滿泛菊花餘。  
瀟瀟暮雨侵階冷，默坐焚香靜掩書。

秋風吹雨過菰蒲，一抹煙嵐淡欲無。  
野水微茫天際落，戍樓隱約渡頭孤。  
臨江寺裏門多掩，懸旆村中酒自沽。  
歸踏金壇隄上路，漁鐙沙渚亂棲鳧。

意行多在小橋西，秋色無端野鳥啼。  
嗚嗚滿洞白蘋雲，漠漠一林黃葉雨淒淒。  
西風騷屑愁心遠，北斗闌干望眼迷。  
最是玉關驚別曲，數聲偏送到深闈。

西華精舍近茅齋飛錫何年到水涯閣迴一隅青嶂出  
壇空千載白雲埋僧歸細雨鐘聲晚鳥度寒煙磬韻諧  
應怪世緣消未得遠公蓮社許相偕

曲巷荆扉設未開閒評舊史意徘徊請纓謾羨終童志  
獻幣嘗羞管子才湖上秋風宜放棹樓頭清月負銜杯  
誰家砧杵聲相續獨臥蕭齋首重回

但得寰中機趣深儘教魚鳥各飛沈水流淡蕩迴孤嶼  
雲出霏微度遠林北牖偶然閒對酒東籬何意靜橫琴  
詎知偏在無音處傳出淵明萬古心

幽尋欲愜獨城南每向徘徊駐晚驂千樹淡黃攤夕照

一泓寒碧翦秋潭，軟莎汀畔閒情在。紅蓼灘頭逸興酣。  
秋色莫教虛擲去，籬花滿鬢不勝簪。

薄露初零夜未厭，鑪煙斷續晚香添。濡盃拭盡塵中面，  
刻燭吟衰領下髯。無故鬢絲牽雨線，有時意緒劃霜鏹。  
多情最是三秋月，處處清輝對捲簾。

郡學博李念亭招同徐二勳右飲衙齋卽席步韻

景文高論豔仙才

宋景文論詩謂太白仙才

講席將辭祖讎開一鏡

芹波魚自適半簾，梅雨燕頻來天涯。舊夢尋詩草，鄉國  
新愁付酒杯。江樹遠遮千里目，懷思別路首重回。

附徐勳右元韻

開官冷署徧徵才三月春深絳帳開  
屣倒不因王

粲至座虛誰覓孟嘉來

時叔度將北上

雨斜草閣頻移席

風遞蘭庭暗入杯歸路醉歌湖上  
霽幾羣鴉帶夕

陽回

假期屆滿以四月二十六日北上  
五章錄別兼用

述懷

予生愛日心歲序驚飄忽上堂告  
行期清和當四月願言奉晨昏戒旦趨

魏闕畫舸親扶將東風待明發雞  
鳴起束裝徒御紛已列睠懷平時  
親頻行轉紆結初程且遲遲尊酒  
爲我設

未卜歸何時悵悵難成別

男兒會有別去住當何如故人誼良厚執手還躊躇古  
道用相助慎保千金軀紅塵不辭遠努力騁良圖藹藹  
嵐色霽滄滄江流虛薰風度窗牖晴日照路衢南來有  
信使時惠雙鯉魚感君贈言意書之置座隅

長跼通殷勤上有叔父尊步兵性蕭散高懷寄清樽屏  
跡萬緣息躬耕江上村孟氏亦在告頭白老弟昆從子  
難階前雁序何翩翩壯者適引疾作令舊有聞會當遠  
行邁絮語重寒溫江干一爲別各各縈夢魂

望遠嗟迢迢爲憶襄江牧一別經十年移官自巴蜀昨

歲長安中歡會亦云促官事有程期何能繫雙轂相送  
風雪時別淚零如續州城今何如養親霑薄祿叔兮往  
從之行裝初結束勞勞脊令詩顧影傷予獨

我家西山陞松間足幽討嵐光青趺人一水自縈抱  
粥賴薄田秋成穫新稻社酒初熟時比舍過從好占晴  
復課雨情話互傾倒奈何舍之去揚舫涉遠道我聞古  
丈夫致身苦不早寸心抱區區肯向清時老

南康守商寶意前輩見示郡齋唱和四詠漫題其

後

匡廬山下揚雙旌匡廬山後春色明晴日遲遲波淼淼

綠楊陰裏轉流鶯

自研清露寫烏絲江鳥江花入妙詞爲憶洛中分守日  
一時寮佐盡能詩

官閣風流計未疎清詩字字抵璠璣綺筵到處題歌扇  
管領東風總不如

繡幃巡行舊

賜袍彩雲如蓋馬蹄高郡人爭識生花筆猶是池頭五

色豪

四詠爲新鶯新  
伽新晴新漲

舟中望廬山

擎舟曉渡落星石一碧長空看出日舉頭五老如招邀

雲中面目曾相識十年囊筆賦遠游愛山謂可消百憂  
捫竒歷險不辭瘁佳處往往成淹畱散人曾欠吞五嶽  
踪跡何曾混行脚蒼茫雲海恣飛行太息人間有真樂  
昨歲裹糧登岱宗紅門直上翠幾重盤磴道倚絕壁  
籃輿恍惚凌虛空泰山之高甲天下劫來况是風雪中  
維時天鷄唱夜半絕頂仰見寒雲封要窺陽烏浴東海  
衝黑徑達日觀峰快哉斯游實稱首自詫平生未曾有  
欲將竒絕誇向人石上題名記誰某名山遙遙難與期  
匡廬近在江之湄扁舟兩過不一到俗駕毋乃山靈唾  
東風曳帆下星渚一杯遙共匡君語他年得閒應來游

後約分明其我許

野幃亭

碧雲千片拍天浮  
氣候空亭欲變秋  
人倚半酣微岸嘖  
地宜長嘯恰登樓  
山橫高鳥初飛處  
水向斜陽欲盡頭  
日晚風光最蕭瑟  
江湖波浪渺生愁

江行懷古

清詩成漫與濁酒得孤斟  
芳草自朝暮浮雲無古今  
江山供野眺風雨入長吟  
南國經過地勞勞客子心  
不謂蒼茫感偏生  
濟蕩何寒潮乘廢堞  
古寺倚喬松牛渚誇雄概  
鳩茲驗誓封殘碑  
幾回讀晉辭碧重重

江左開基後人爭豔霸圖衣冠垂六姓襟帶到三吳對  
客揮譚塵當筵擊唾壺風流與割據此意久荒蕪

鶯花江總宅風月謝公墩畫舫青溪水紅樓白下門蓮  
花更蓮子桃葉復桃根樂府淒涼遍重歌動客魂

瓜步濤聲壯蕪城日影低高臺連北固舊苑自南齊事  
往銷金粉時清息鼓擊江干何代寺行客許畱題

遙遙千載上世事轉相仍陳跡聞歌哭浮生感廢興詩  
懷悲庾信賦筆愛徐陵文選樓頭月清輝尙爾憑

卽事

一扇微涼向夕生葛衣新試著仍輕賣魚船去月初上

沽酒人歸潮正平  
村樹綠遮江口暗  
板橋紅倚渡頭橫  
清宵默記維舟處  
又喜詩從卽事成

平山堂歌爲王晴江作

堂堂我思六一翁  
起衰功與昌黎同  
遺跡不隨江水東  
平山臺閣圖畫中  
一時賓從俱雍容  
文采照耀垂無窮  
後來何人繼流風  
對山琵琶曲未終  
雲烟倏忽歸虛空  
檻前寥落青夫容  
我

朝阮亭爲時宗  
翩然佐郡乘玉驄  
入窗洞達開玲瓏  
豪氣直欲追歐公  
座客莫敢當詞鋒  
晴江先生起相從  
牛耳再執聲隆隆  
重開高譙維珥聰  
呼吸便與前人通  
十

三樓外紫翠重二十四橋柳色濃名山絡繹千萬峰隔  
江返照車輪紅老子于此意態雄縱目遠瞰馮夷宮劃  
然長嘯驚魚龍詩成屬和一一工恍張廣樂吹笙鏞我  
時客裏誠怱怱旅人塵夢隨飛鴻佳境過眼何由逢明  
日又欲揚孤篷江山之靈應笑儂先生強健如長松年  
年登眺行支筇

同人邀飲平山堂卽席雜賦

捉筆頻題客裏詩平生遊跡半天涯十年虛作揚州夢  
慚愧三生杜牧之

六月荷葉正放時更看垂柳綠成絲紅塵底處堪銷夏

醉倒花陰酒不辭

多謝羣公載酒來  
旅人清晝許追陪  
肩輿逕到平臺上  
四壁雲窗四面開

笑語交酬晝漏移  
平山堂外立多時  
江南處處山奇絕  
到此看山景更奇

高懸瑤榜鎖幽深  
賢守清風踞古今  
異代君臣有如此

令人揮涕感知音

堂有

聖祖御書賜

宋歐陽脩賢守清風題額

別圃眠雲石岫欹  
牡丹千本翠參差  
我來卻憶春三月  
紫萼紅英又一時

雲蓋深沉午未肩  
散花高座佇談經  
齋鐘過後迴廊寂

何處風來響閣鈴

塢外層樓結構新又從高際得嶙峋  
窗前遠景壁間畫  
兩兩相看總逼真

步到芳塘地更偏碧流穿砌響涓涓  
虛亭小憩茶初熟  
道是人間第五泉

蒼松夾道晚涼生醉踏松陰聯袂行  
到得萬松亭子上  
頓疑長夏起秋聲

名園高會酒方酣芳逕紆迴看未闌  
松下遠公相送出  
蜀岡一半夕陽殘

歸途燈火明於晝畫舫中流讌又開  
倒著接離成醕酹

主人還遣送深杯

湖心亭

有地盡將流水隔不知何處著塵埃  
愛他風閣亭亭出待我雲窗面面開  
蓮影靜紅窺鷺下竹陰搖綠認禽來  
倚闌更指雷峰塔返照隨波蕩槩回

晤家兄魯青于歸安官署率成二首卽以誌別

薄宦風塵愼起居越江迢遞問何如  
放衙自檢新摹帖剪燭頻緝舊著書  
兄弟關心千里外別離彈指八年餘  
故園親種門前柳爲報濃陰綠未疎

水國陰多雨不停戒裝憐我更揚  
舫天涯好信占烏鵲

異地深情誦鵲鴿桑柘淺深關政譜陂塘高下驗圖經  
遙知後日勞相憶日送吳山幾疊青

晚步至興福寺

杳杳鐘聲曲逕通梵宮深處講堂東竹涼似有蕭蕭雨  
荷靜微生嫋嫋風入定老僧同野鶴暫來游子類羈鴻  
歸時又發江頭棹小立閒亭意不窮

次韻題程香溪前輩小漪南別墅

江山回首幾名賢垂柳垂楊句總傳一段風流誰占得  
漪南亭子俯清川

曲曲闌干短短籬水和雲影共漪漪鑑湖佳話重拈出

又是狂吟撥棹時

勝地猶傳六一翁依然山色有無中  
月明指點平山路只在紅橋綠水中

荷葉田田竹裏溪荷花齊放水平隄  
我來逕欲追幽賞無奈浮踪東復西

苦熱行同賡廷姪作

出亦復苦愁入亦復苦愁平時曾次灑烟海  
到此何計消煩憂一輪炎日覆初正千里火雲凝  
不流平頭虛遣搖大扇赤脚空爾持深甌  
沉瓜浮李亦何有餐冰踏雪真無由疎慵但稱北窗臥  
放曠敢效東山游故鄉結屋

萬松裏晝眠靜聽清颺颺偶然行飯憩午蔭鷓鴣相喚  
蟬鳴幽世緣迫促不得住家具日夜依扁舟窮篷周遭  
難障日笛簟垢膩疑無秋有時曲譬還自慰未須苦咏  
聲咽啾暑寒迭運理固爾乘流任化將奚求君不見農  
家苦手把鋤犁日卓午沒髀泥深汗如雨

食瓜二絕句

寒香輕剖碧雲痕色味平分得細論此日茂陵消渴甚  
擬將踪跡托青門

絳雪堆盤沁齒牙便疑仙醞酌流霞葡萄未必能勝此  
一斛涼州莫浪誇

曉起

宿醒初解帶餘酣歷歷行程舊所諳  
十里好風吹曉夢  
臥看山色過淮南

風亞高桅蹴浪花不驚鷗鷺宿平沙  
扁舟尚是江南岼  
林外青旂見酒家

天妃閣

黃河之流凡幾曲遠從梁豫窺淮夷  
我昨揚帆涉淮水  
河隄高與淮城齊艱哉茲來第三闌  
白石齒齒蟠青泥  
盤渦怒作風雨吼與窟疑是蛟龍棲  
黃強清弱勢不敵  
雖有人力功焉施迎秋伏汎波濤壯  
一牖千金幸無恙

嵌空欲共河伯爭，豁訝崖壁森相向。南船北舫紛喧呶，白日荒荒風蕩蕩。十丈橫牽徒爾勞，百夫競挽何由上。我方奉母趨

帝京，不辭于役。官有程，畏途經行，仗忠信入險，出險心太平。須臾兩槳成飛渡，便踏安流似平路。津樓沽酒行且歌，後船戢戢來如何。

渡河

清濁流分兩岍，平道邊歷歷古名城。雨初歇處千帆影，風正微時半日程。關吏置郵揚綵幟，戍樓迎客響銅鉦。黃河六月新乘漲，欸乃舟行信櫓聲。

清河道中

九河難識故圖經一水依然走百靈  
遠嶂忽平開曠野飛流中曲抱長汀  
天連北極無窮碧草入南徐不斷青  
鬱鬱蔥蔥望佳氣路人遙指

御碑亭

立秋夕作

團扇微停過雨餘客心深夜酒醒初  
篷窗幾日愁炎暑憑仗秋風爲掃除

又見淮南一葉飛候蟲切切語傷悲  
秋懷不慣逢搖落月白風清正此時

扣楫長歌意氣生，驕陽初退海天清。  
逍遙羨爾九皋鶴，遠向碧霄聞唳聲。

和賡廷姪立秋詩

秋氣颯然至，河流終夜聲。  
行程雙槳急，虛牖一鐙明。  
淪水冰甌淨，涵風莞篔清。  
蕭閒人意懶，偏稱葛衣輕。

鄉思

秋聲來幾日，客枕最先聞。  
鄉思濃于酒，詩情冷似雲。  
孤城傳遠角，古木戛寒曛。  
故國懷人處，遙遙惜雁羣。

阻風戲成轉韻

北船順水復順風，舟人穩坐揚高篷。  
南船愁風復愁水。

妻文通少言集  
力盡終朝纔幾里定知世事未可期南船還有如北時  
南船勿喜北勿歎造物何嘗任恩怨茫茫今古同此情  
安得兩岸分風行

孤懷

孤懷何處覓雙魚入夜寒流渺渺虛明月一天秋到後  
故人千里夢回初呼喚歲序新吟稿零落篇章舊著書  
筆格硯牀相伴久短檠商略未教疎

七夕用義山韻

水華雲葉影離離鵲駕逢秋預有期天上星河初會日  
人間風露乍涼時飄緲事憶乘槎遠嬾漫文傷乞巧遲

歲歲穿針成故實笑他兒女候蛛絲

咏雁三首同賡廷姪作

雁聲

嘹亮長空展暮陰一聲流入碧雲深  
遠陳青海騎人語巧訴紅樓少婦心  
寒漏五更淒欲斷涼飈千杵咽俱沉  
驚秋況是他鄉夕入耳情牽自不禁

雁陣

直上層霄卒未休縱橫一道陣雲浮  
風驚草木淮南夜月冷關山薊北秋  
入塞早看邊氣靜排空遙捲海氛收  
無前意氣飛揚甚遙渡銀河蹋亂流

雁字

瀟湘一幅影平鋪遠勢偏工意不疎  
蘸水橫斜迎月出貼雲濃淡倚風徐  
數行點破碧天色萬里傳看紫塞書  
兩字平安勞爾寄不煩緘付錦江魚

賦得洞庭張樂

七言六韻限和字

君山回首鬱嵯峨黃帝遺踪憶若何  
絳節來時翔紫鳳珠宮開處舞靈鼉  
雲連七澤春濤壯月到三湘夜色多  
伐鼓撞鐘聲共遠流商叶徵韻猶和鮫  
人自爲聆音出龍女還應按拍歌  
縹緲更誰傳法曲至今清漾洞庭波  
送日者李雲峰山人往遊濟南兼東懋堂中翰卽

和共去歲贈行元韻

長覺陳編與夢牽  
書生矻矻笑窮年  
野情不省榮枯事  
寂默平生信有天

公子閒揮愛客金  
十年京雒憶高吟  
袖中舊草長楊賦  
遮莫臨風感遇深

歷下經過載筆隨  
再來還把舍人詩  
君行爲道相思處  
濟水扁舟信所之

東閣開時意不違  
五雲北望是

彤闈長安秋老逢  
賓雁應有書來報我歸

舟中書事

敢將身世等浮鷗。旅蹟疑同汗漫遊。書報故園初寄遠，  
地非吾土又驚秋。怒濤捲雪常侵岸，猛雨翻風亂入舟。  
賴有麴生相慰藉，一樽常滿更何求。

晚步書所見

村落蕭疎瓦屋稀。槿籬花謝杞苗肥。趨虛客度深林散，  
看劇人從近市歸。柳外佛鐙雙碣廢，岸邊漁火一星微。  
意行乍覺新涼動，習習水風飄袂衣。

舟入衛河

沙岸彎環水溯洄。向秋懷抱渺難裁。客行三見月圓缺，  
遠道一番人去來。錦纜亘空經數轉，蒲帆銜尾喜俱開。

計程已近長安界北極星明是上台

武城

挂席過武城沙頭息帆影高柳涼吹生秋風颯以冷緬  
想絃歌聲蕭條餘邑井徽音杳何如望古時引領  
子羽狷者流守貞不自耀賢宰欽芳標處士矜高調古  
意良悠悠千秋訪遺廟昨登單父臺斜陽來返照

至德州由陸路北行口占二絕句

路口三叉西復東行人結束又怱怱過橋迴指千帆影  
盡泊沙頭候曉風

長隄得得輾車輪鈴鐸聲中六丈塵輪與村翁閒倚杖

道旁心數去來人

送廣昌魏少宰歸里用漁樵耕牧四首

雲水飄然去閒來有釣船  
生涯雙槩外踪跡五湖邊  
浪靜見新月風清收遠烟  
得魚堪換酒底用杖頭錢  
伐木丁丁響雲深不易尋  
峯頭常狎鹿樹杪莫驚禽  
往逢仙徑時時憩茂林  
回看山下路行客正駸駸

歸田何所事十畝在衡門  
麥浪風前捲秧針雨後繁  
青山真作社黃葉可名村  
爲問老農老扶犁幾世孫

問喘事茫茫騎牛策最長  
適來分曉暮誰與判閒忙  
堰北泉流濕山南草向陽  
遙憐蘇武節辛苦託羝羊  
終

裴文達公詩集卷之三

送陳木齋師

子告歸里

荀門八月秋氣黃賤子策蹇趨

帝鄉襍被紛紜未遑卸經訪吾師到官舍入門攜我升  
層階一笑遽逐歡意已忘能敘述未云畢感激

君恩語非一謂言身與

御門乞身有疏蒙

天恩俟爾來時一言別便泛扁舟下吳越平時歷歷師  
弟情挽衣無計隨公行

明廷屢見畱賢達吾黨尤聞惜老成先生清德古未有  
做書一卷常在手自從通籍五十年負郭田園無半畝  
卽今歸橐何蕭然典衣爲辦買舟錢輕帆遙指西江去  
一道寒流衝暮烟完節全名竟如此當代公評待青史  
林下高風何處攀獨立滄茫感知已

送蔣錦峯太僕歸常熟

嗟峨城闕朝光曙吾師木齋從此去先生相紅買扁舟  
聯袂秋風問歸路我聞身遠道益高中流挂席氣正豪  
平生不負看雲約敬山傾蓋來京焦却憶髫髻侍先子  
默數交遊知姓字爾時父執知幾人皓髮龐眉公在耳

公家吏部今山公隆隆藻鑿方當空我遊其門竊自幸  
重來坐我春風中暇日追趨習池上杖履欣然問無恙  
流光彈指二十年回首當時驚我壯那堪祖帳臨晨開  
送遠又上黃金臺向秋懷抱渺難盡颯沓西風吹酒杯  
紅豆庄前青幾曲到時正放籬邊菊杜門高臥樂有餘  
鱸膾蓴羹瀉醪醑方今

聖主矜老臣

溫綸特許辭朝纓

三朝恩遇歸能記野老相逢話太平

和金質夫移居

裴文達公詩集

卷之三

二

招尋動卽到君家况是相思閱歲華薄宦偶然回俗駕

輒紅仍此走青車

時以假旋甫至京師

淥醅細酌家藏醞黃菊初

開老圃花一笑相逢慰離索早占檐雀語喧嘩

浮踪何處息飛鴻羨爾新開半畝宮三逕好懷應不負

二難佳話更誰同

謂質夫兄以寧

拜餘奇石呼爲丈倚得長松

冊作公步履到門占氣象瞳瞳初日照房櫳

從容一榻擁寒氈就暖晴窗席每遷座上新聞紛笑噱

卷端佳句倩流傳書城小築看成壘視沼微方道是田

從此幽人更多事閒中生計亦堪憐

朝叅初退履屢屢瀨瀨行窩快卽安末夜短檠清自照

舊時長缺笑誰彈  
龍睛戲點僧繇壁  
犢鼻閒撐阮氏竿  
冰署本來清徹骨  
圖將幽事與人看

追趨祕閣兩年餘  
一日何曾賦索居  
雪苑對裁新著稿  
風簾同校舊抄書  
吟筒惠我寧嫌數  
棋局饒人實白粲  
早有聲華傳日下  
故知名士定無虛

兀兀陳編有風歡  
壺中日月兩跳丸  
頭銜早自稱居士  
袍笏人言是長官  
吟倚碧雲增跌宕  
夢隨明月鬪清寒  
吾生大有經綸在  
遠目迢迢每倚闌

舊隱分明枕碧江  
樹陰如蓋列幢幢  
山南種黍青垂隴  
舍北尋芳綠到窗  
對客杯盤殊草草  
近人鷗鷺亦雙雙

長吟轉憶家山好，笑指浮雲意未降。

秋來幾日韻頻分，談麈揮餘日易曛。  
花點茶甌初瀉露，香騰薰籠欲蒸雲。  
清思雅異登樓賦，雄筆閒揮頌酒文。  
爲愛君家好兄弟，門闌佳氣恰氤氲。

九月七日袁子才寓齋賞菊分得如字

袁子澹蕩人性僻，耽著書高齋。  
契幽賞清夢，真蓮蘊曠然平臺下。  
瀟灑臨前除，清晨忽有懷。  
執簡勞招呼，謂言東籬菊豔豔。  
金英舒能來，醉花底清酒置滿壺。  
我聞急命駕，得得雙輪車入門。  
秋爛漫羅列，盎與孟羣芳亦有譜。  
品類別以區，黃者爲正色。  
老圃淡不枯，淺白卻可人。

閒靜意有餘紫或無足貴閒置亦足娛排當一一稱密  
密還疎疎座中無雜客二三同志俱世人競春色但愛  
桃李株西風倏已冷悲秋漫嗟吁寧知高士心賞此芳  
香殊未妨涼颺厲寧倚暖律噓昔賢重晚節終始長不  
渝願告素心人此意當何如

寄魏懋堂

娟娟美人隔秋水濃陰匝地寒光起清砧斷續西風生  
數聲飄入遙天裏白日蕩蕩飛駕鵝岱宗遠意青如何  
壯懷欲吐空自詫我當把酒誰當歌去年高會華簪集  
意氣縱橫妙無敵舊歡忽墮兩經秋俯仰人間坐愁寂

羊城驢嘒那可聞

周西

三湘使客吟暮雲

涂石

虛堂瑟

縮不成寐月落屋梁疑見君

送以嶽擊中翰出爲湖州司馬

丈夫舉足輕萬里文豈乃是一事耳鳳凰池上鴛鴦班  
卻笑吾曹自矜美朝朝橐筆趨輓塵蹇蹇長安邸  
問君爾爾今幾年一麾竟去君應喜雙旌引路意態豪  
霜華拂曙霑青袍炎方遙望勿辭遠金城山色連雲高  
我聞此邦風土樂翩然佐郡良不惡風前丹荔放晚衙  
雨後紅蕉登曉閣官閒莫道無所營海外篇章肯徒作  
唐詩韓愈是我師要令揮毫繼驅鱷前途浩蕩難更論

行矣中外均承

恩名賢從古多乞守底須苦戀春明門

送同年劉翠松孝廉爲鹽官閩中

霜華拂天光照地捧檄毛生鳴得意杯行一語何慨慷  
八節灘頭椎鹽吏故鄉同譜推劉君壯懷飛動迴不羣  
遙天仰視九萬里談笑便欲摩青雲書生與世百無競  
三寸禿毫爭負勝雄飛雌伏耳厭聞拂衣竟去吾何病  
八閩舊是越王城釣龍臺畔春草生綠榕陰合鳥聲變  
鞞輶勃僣難爲情水遞郵籤凡幾驛公暇何須勤讀律  
漢庭高議每紛呶一卷齊民思要術玉山如雪堆崇隆

海濱萬姓歌年豐君家劉晏有遺法慎勿跼蹐傷途窮

紅泉館待雪為堇圃作

甃泉滴瀝靜虛廊賓榻凌寒鬪舉觴落葉打窗聲策策  
片雲籠野氣蒼蒼抗懷便擬追千古放眼真思眺八荒  
為愛梁園老詞客倚闌終日攬吟腸

為德符少宰題庭霰林花圖即次元韻

雪晴霜重寒轉加紙窗漏日簾旌斜天公歲晏憐寂寞  
幻出萬樹千枝花仙官騎馬向晨出恍踏瑤島馳銀沙  
吟詩乞畫記奇絕一朝韻事傳京華

送同年袁子才歸娶

袁郎走馬出京華折得東風上苑花一路香塵南國近  
苧蘿村是阿儂家

畫壁旗亭句浪傳藍橋歸去會神仙從今厭看閒花草  
新種湖頭並帶蓮

玉鏡臺前一笑時石螺親爲畫雙眉烏絲競豔催粧句  
只恐流傳惱雪兒

雙縮同心帶一條華燈椽燭好良宵錦衾宛轉畱春住  
莫忘鳴珂趁早朝

次管水初韻招飲諸同年

閉門一雨三日閒欲雪未雪天猶慳落日淡蕩冷於水

濕雲重疊奇似山支頤臥起北堂下垂手徙倚南窗間  
公能過我慰寂寞共傾綠酒回朱顏

看雪用東坡先生北臺書壁韻

斜斜整整復纖纖漠漠紛紛夜氣嚴未可戲將鎔作鋌  
用耿先生事不妨癡絕味成鹽呼童掃去猶平砌卷幔看時  
更撲簷忽憶故園山色霽白雲堆裏一痕尖

紗帽籠頭自點茶宦情冷去當懸車寒窗不夜常留月  
老樹先春故著花畫意寂寥偏入格詩懷閒澹懶名家  
曉來牽我推敲興遮莫吟成手入叉

沈孺士爲江孝子榜齋作傳屬作長歌紀事

吾聞忠孝有至性此事難以口舌爭小儒不足論奇節  
動輒引古相譏評寧知精誠所激發不復計有後世名  
當其孤行一意那復顧但覺耿耿熱血何由傾自來志  
士每如此令我讀史難爲情咄哉江君愚莫及冥嘿便  
擬通神明剌血刳股偶不死欲以身代全所生世風之  
頽首門內乾坤大義須支撐長洲歸愚感其意濡墨作  
傳揮縱橫豈徒軼事紛在眼要令世人聞此慚且驚日  
星照耀挾光彩風雨雜沓來悲聲江君至孝不可滅懸  
諸海宇長崢嶸

陳紫山移疾歸里短歌一章賦別

京華盛冠蓋車馬徒紛紛之子倏言別驪歌何可聞但  
道故園歡不惜長途苦一舸下天津遙指江南去舊時  
游釣處魚鳥無嫌猜息機得妙理養疾生高懷白雲自  
相親紅塵容暫謝沽酒過溪橋尋僧入山舍若情旣卓  
犖我志還縈紆拳拳贈言意善保千金軀沙岸張家灣  
千樹垂楊柳長條綠染衣攀折傷人手逆風牢繫纜順  
風緩張帆報書莫辭數惠我時一函相送復相招望君  
來早晚慎勿久棲遲高堂方健飯

題香樹前輩德符少宰雙樹齋唱和卷子後

馬蹄印雪圓重重朝衫下直閒過從盡屏騶從隨奚童

入門不待謁者通握手一笑開心曾齋前雙榦撐碧空  
瓊花點綴飛玲瓏當筵意態豪且雄縱飲便欲傾千鍾  
詩成落紙光熊熊洪濤巨石相撞春邁也捉筆侍乃翁  
奇氣已欲吞長虹燭光燦爛搖簾櫳城頭夜鼓聲寥寥  
山公欲起還從容清言颺發方未窮明日佳話長安中  
問今畫手誰最工更須絹素圖芳踪凌霜傲雪如喬松  
請以雙樹喻兩公

新春揖翠堂小集限韻

落落高懷笑語同習家池館醉春風傳杯競鬥藏花約  
隔字爭誇射覆工渴似飢鯨思飲海豪如健鶻欲摩空

明宵更作張鎧會美景良辰樂未窮

九十初過第一辰  
虛堂鎧火夜相親  
名花待放如佳士  
好月將圓是故人  
鄉夢繫懷猶昨日  
流光廻首又新春  
樽前動有飛揚興  
莫向清時感遇頻

春色今朝定幾分  
統如街鼓夜深聞  
擘箋戲作嬉春曲  
酌酒初成祝歲文  
鑪鴨烟新香結篆  
硯蟾冰釋氣蒸雲  
山公門第清於水  
風月佳時致不羣

爲陳朗齋孝廉題虞山少宰臨趙子昂蘭竹長卷  
初日晶晶明窗棧  
烏皮髹几靜可凭  
揖翠堂中富圖史  
蘭竹一卷推吳興  
虞山雅尙百無嗜  
好古有癖捐未能

清時務簡下直早門庭  
闕寂清如冰手臨別幅見眞態  
風枝露朵烟光凝蕭疎初若不  
經意畫家此境最上乘  
空谷早有王者譽涓濱復得君  
子稱當春一叢香奄冉  
截雲百尺高峻嶒伊入曾次故  
應爾傳神寫此喜弗勝  
筆精墨妙兩俱到副以玉軸裝  
文綾贈君珍重自有說  
幽姿勁節堪爲朋世閒凡卉那  
堪顧瑣瑣花葉吁可憎

送古田丞岑滿生

岑生四十不成名一麾南服署  
作丞凌晨揖別自茲去  
蘆溝凍釋清無冰君是虞山門  
下士揖翠堂中識君始  
愛君能畫復能詩京洛聲華滿  
人耳前年海澱嬉暮春

綠楊烟覆溶溶水聯翩策騎游西隄馬上吟成書在紙  
歸來共飲花下盃酒半頽然君醉矣一邱一壑別有懷  
不履不衫殊自喜國門回望高崔巍片帆遙指無諸臺  
翠禽綠羽紛在眼啁嘈格磔堪笑哈手版趨庭君勿哂  
印牀閒處花連吟宦清自可號詩仙地僻不妨稱吏隱  
似聞取道取家姬到日筠籠進荔支山川滿眼供渲染  
更著閒情爲畫眉

題謙亭藤花倡和卷

韶華到眼爭鮮新老藤著花點綴勻主人愛花兼愛客  
花下置酒羅佳賓詩成卷軸富如許三唐兩宋排門戶

豪吟一一語不羣佳句真須更僕數君家兄弟璉與瑚  
眉山落落大小蘇我來訪君值清晝坐揮如意供廬胡  
一紙傳看稟新脫沁入心脾轉清烈古稱此事擬兵家  
白戰不須持寸鐵

送家四兄南歸三首時三兄爲均州牧紆道視之  
春暮長多感臨歧况送行大風生曠野斜日在高城待  
渡頻呼騎逢人細問程楚山青不斷一抹馬前橫

均州重到日爲我致區區髮憶多時白顏非舊日朱壯  
心銷歲月逸氣滿江湖誰唱銅鞮曲尊前興莫孤

歸路經長夏移時返故廬遲君千里外報我數行書屋

角松應長籬根菊未疎旅人踪跡遠相望定何如

賦得水上桃花紅欲燃

武陵溪上碧溶溶春著桃夭滿樹紅新漲恰宜侵遠岸  
好風長爲護深叢燒空一片橫斜見照眼千重爛漫同  
旖旎向人微雨後輕盈籠日落霞中珊瑚出水濃於染  
錦繡成堆暖似烘香霧散時晴晚晚芳塵生處曉濛濛  
移將麗影琪花燦望去波文寶鏡空南國自來矜絕豔  
笑他楊柳舞偏工

送徐蓋山下第南旋取道浙江赴西湖之約

十二門開歌輓紅故人歸路採芙蓉醉醒適意足佳趣

得失去懷無戚容白傅隄邊波疊疊于公祠下草茸茸  
因君轉憶舊行路甚欲重遊攜短筇

送同年袁子才

有序

子才袁若一行作吏都下贈別之章爛然滿冊  
所以重其才而惜其去者語無遺蘊矣況同年  
同舉如僕者離別之感又豈楮墨所能敘述耶  
于其行之先一日漫成長句一首悽惋中故作  
豪語且志規勉竊附於昔人贈言之義子才以  
爲何如也

翰林改官成故事子才別我凌晨去長安五月清無塵

歷地濃陰雨如注我方隱几深自嗟六經堆案眼欲花  
一窮坐此百不著日支官紙供塗鴉莫言作吏風塵下  
膏君車兮秣君馬讀書萬卷用在斯兔園冊子胡爲者  
平生所學要及人縣令之職唯親民漢家法度重良吏  
至今史傳垂嶙峋西晉清言動成癖塵尾爭誇鳳池客  
閭閻呼吸了不關咄咄書空竟何益君其行矣勿復疑  
此際正爾觀設施逢迎官長不足道鞭撻黎庶誠可悲  
底用匆匆愁簿領爲政先須酌寬猛我聞要語清慎勤  
朝廷今日需公等三年奏計翩然來再當執手黃金臺  
我歌贈君君自識兀兀辭情空酒杯

水初之官有日矣賦詩畱別依元韻酬之

晚起忽不憚送君聊短吟  
薊門秋氣到涿水暮烟深  
惜別畱佳詠爲邦佇好音  
平生友朋志千里貴知心

遙遙千載上翹首更誰如  
吏事須強飯餘閒且讀書  
昔賢良可念吾道未應疎  
鐙火熒熒夜休忘舊直廬

三年同直處朝退每行吟  
竝轡春風暖銜杯夜雪深  
浮雲看奕局流水識琴音  
此去前途事茫茫感夙心

兩衙初放後宴坐總如如  
歲月增詩草風塵簡簿書  
印牀花影合鈴閣鳥聲疎  
遲爾秋來雁將書到寓廬

董圃寓園賞菊分得同字

長安行樂地勿謂吾曹窮玉堂有仙吏偃仰嘗從容名  
園恰一畝隙地餘三弓嵌空鑿山骨洞穴穿玲瓏朱闌  
臨曲沼幾折流泉通維時秋氣肅庭柯散涼風荏苒衆  
芳歇黃菊呈秋容幽芳襲衣袂秀色交房櫳牆陰護嫋  
嫋石罅開戎戎重荷主人意席地清樽同談諧互酬酢  
斟酌酒不空亭亭下斜日返射檐牙紅頹然我就醉逕  
欲眠花叢珍重再來約良會莫怱怱

雨中書事東廡廷姪四首

枕邊鎮夕廉纖雨窗外排簷颯沓聲念爾虛堂方臥病  
聽殘街鼓若爲情

袂衣纔試便裝緜  
紈扇團團早棄捐  
昨日驕陽何處去  
笑他如夢復如烟

涸跡金門亦偶然  
閒中檢點舊因緣  
一從拋卻扶犁手  
走入紅塵又十年

向來本乏匡時策  
爾日兼空賣賦金  
何必尊鱸動歸思  
每逢秋至輒沉吟

爲爻心居士題古泉圖

牀頭金盡都無碍  
地上錢流空爾爲  
誰信神通有奇術  
囊中畱得一文時

盡日摩挲未是慳  
土花新碧洗爛斑  
笑他博物張公子

何事惟云阿堵間

兩兩銖銖計畫勞  
莽新法密似牛毛  
當時百物成灰燼  
尙爾流傳金錯刀

此老胷中萬斛寬  
未妨隨意寄清歡  
圖書參得圓通相  
便作商彝夏鼎看

周力堂侍郎奉使江南

手持龍節出嚴城

溫語親承感

睿情半壁江天分  
倚任此行端合爲蒼生

三策當時費討論  
黃強清弱久相吞  
首先鞭起驕龍睡

一線長河達海門

中流一柱功何偉  
長綆千尋澤未窮  
萬井還他乾淨土  
不教原野有哀鴻

日日南天候使星  
清江浦口

御碑亭書生大有經綸在  
檄到應知走百靈

送家姪賡廷中翰南歸

舊夢分明混酒徒  
因君歸路更踟躕  
大隄柳繫行人馬  
往日青青好在無

居然名士阮家兒  
尊酒何嘗不共持  
此去郵亭風雪裏  
鐙前應和贈行詩

前年攜手長安道，別後相思更惘然。昨歲扁舟還共載，  
莫忘風浪五湖邊。

人間何處無離別，不敵長安大道多。爾我情懷太惆悵，  
一年一度唱驪歌。

去去休言歸路長，軺車人識紫薇郎。淮流盡處山重疊，  
江水江雲接故鄉。

爲我殷勤語，故知平安一。一道相思頻行刻，取還朝約。  
秋月圓時莫後期。

除夕次韻

雲消南牖曙光妍，佳句吟當餞歲筵。人意向春先跌宕，

韶華與客共周旋未論昨日如今日盡道新年勝舊年  
冰署從容無一事故應情味向詩偏

裴文達公詩集卷之三終

裴文達公詩集

卷之三